

18. april 2014

UPA 2014/155
Ruth Heilmann

Kalaallit Nunatsinni efterskolimik allisitamik, Tasiilami inissinneqartussamik, 2015-imi pilersitsinissaq pillugu Naalakkersuisut siunnersuusiornissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Harald Bianco, Inuit Ataqatigiit)

Siumumit Inatsisartuni ilaasortaq Harald Bianco qutsavigaarput Tasiilami efterskolemek pilersitsisoqarnissaanik tunngavilersuuteqarluni siunnersuuteqarneranut.

Nunatsinni Danmarkimilu ukiuni kingullerpaani efterskolernissamut inissat amerlasuut pilersinneqarsimanerat pitsaasuuvoq inuusuttut Atuarfik aqquaareerlugu efterskolerneq periarfissatsialattut ingerlariaqqiffittullu assigiinngitsutigut piginnaassutsikkut inuttullu ineriertornissamut karakteritigullu qaffassaataasumik periarfissatsialaammat tamannalu pillugu soqtigineqarluarnera atorluarneqartariaqartoq Siumumit isumaqarfigaarput.

Ullumikkut inuusuttorpassuit suli amerlanerusut atuarfimmit anisut aqqutissiuunne-qarnissartik pisariaqartilluinnarpaat, aammalu efterskolemut qinnuteqartut 260-missaat tigutinneq ajortut eqqarsaatigalugit qularnanngivippoq suli pisariaqartitsineq annertuu-jusoq.

Siunnersuuteqartup isumagaa kitaamiut kujataamiut avannaamiullu Tasiilamut efterskole-riartarnissaannik periarfissiinissamik ujartuisoq Tunumi kulturip allaanerunera, pinngortitap takutitassaai allaanerunerat pissutigalugit misigisassat allatut pissarsiffiusinnaaneri aamma eqqarsaatigalugit periarfissatsialattut isumaqarfigimmagit.

Soorunami avatangiisit qanoq issusiisa tunniussinnaasaat taamaatut ittut soqtiginar-luinnartuupput. Siumumiillu isumaqarpugut efterskolemek pilersitsinermi ilinniartitsisoris-saaneq minnerunngitsumillu aamma pisortarissaarneq pingaaruteqarluinnartunut ilagillu-innarpaat. Atuartut oqaatsiminnik qanumut oqaloqatigisinnaasaqarnissaat pisariaqar-luinnartut ilagivaat aammalu atuartut sumut efterskoleriarnissaminnik namminneerlutik toqqagaqarsinnaasarnerat aamma periarfissaasariaqvissut ilagaat.

Kulturhøjskole aallaavigalugu efterskolemek pisariaqartitsisoqarnera nalilorsorluagassatut Siumumit isumaqarfigaarput, ilami nunarput tamaat isigalugu kulturi tamaannatta pigi-sarput annertoqimmat sinerirtsinnimi inoqarfinttamani avanersuarmiikkuni kujataani-luunniit tamarmik allaassuteqarmata aamma piusoq sorleq anginerpaajunersoq mikiner-

paajunersorluunniit nalilorsoruminaassaaq tamatta assigiinngissuseqaratta tamarmillu atorluarneqarsinnaasutut isumaqarfiginartuugaluarlutik.

Kisianni siunnersuut una qaqinneqartoq Siumumit isumaqarfigaarpuit Ilinniartitaanermut periusissami Il-mi ilaattillugu nalilorsorneqarnissaaminut ingerlanneqaruni pissusissamisoornerpaausoq ataatsimut siamasissumillu isiginnilluni minnerunngitsumillu inuusuttut soqutigisaat aallaavigalugit efterskolemik pilersitseqqittoqarnissaanik isuma nalilorsorneqartariaqartutut isumaqarfiginarmat.

Taamatut Siumumit oqaaseqarluta siunnersuut itigartipparput.